



# 中國大事記

民國五年九月十八日

●教育部呈准廢止預備學校令……：教育部日前接國務院公函。稱教育綱要。已議決撤銷。當以依據綱要訂定之令及規程細則等項。亦應分別修廢。特呈請將預備學校令廢止。並將其他法令規程細則。由部修正頒行。本日奉大總統指令照准。

●中日軍又在吉林長嶺發生衝突……：吉林長嶺縣。近日有大股匪徒。攻襲縣城。經軍隊前往防勦。在該縣喇嘛蒼地方。與匪接戰。詎有日本軍隊在該地行軍。致被我軍誤擊。當由日本領事向吉林督軍提出交涉。旋即和平解決。

同 二十一日

●廢止高等審判廳辦事權限條例

●安徽督軍張勳省長倪嗣冲等組織省區聯合會……：張勳等曾於六月間與各省代表在徐州會議一次。近復聯合直隸、奉天、吉

林、黑龍江、江蘇、江西、福建、湖北、山東、河南、山西、

陝西、甘肅等省。及熱河、綏遠、察哈爾各特別區域。組織省區聯合會。宣言以固結團體培養實力及監視國會參議憲法等項為宗旨。連日在徐州開會。並聯名電阻唐外交總長就職。經國務總理發電勸告。

同 二十二日

●派江庸充法律編查會副會長

●四國銀行團向財政部質問中日借約……：英法俄德四國銀行團。向財政部提出質問。謂中國與日商新訂借款條約。有背善後借款條約第十七條。財政部答以此項借款。係實業借款。與該約並不相背云。

同 二十三日

●四川土匪猖獗……：四川川西道屬崇寧、溫江、郫縣、灌縣、彭縣等處。有邪教匪鄧天祥、周燈杆等。聚眾倡亂。自稱勤王軍及定國軍。在各處肆擾。屢被官軍擊敗。尚未絕滅。

同 二十五日



32243

32244 ●派江朝宗督辦京畿八旗官產清理事宜陳繼鵬會辦京畿八旗官產清理事宜

●京兆永定河北六工漫口令撥款賑濟……京兆尹王達呈稱。永定河北六工。漫溢成口。勘估堵築要工。呈送圖冊清單。請速撥款興辦。並量予賑撫。奉令。應由財政部迅撥賑款五萬圓。並由本大總統特捐銀一萬圓。交該京兆尹趕辦急賑。該工所需款項。並由財政部陸續籌撥。

●財政農商部與日商改訂借款條約……財政農商兩部。前與日商興亞公司。訂立借款條約。因經國會反對。復與日商磋商改訂。現已磋商就緒。於二十六三十日。提出兩院。其改訂條約如下。第一條 借款金額為日幣五百萬圓。第二條 年利六釐。第三條 本借款償還期限為三年半。以制錢精鍊之利益償還之。有不足時。由中國政府另以他種利益補充。第四條 本借款專供買收及精鍊制錢之用。第五條 本借款由橫濱正金銀行交付。作九四扣。第六條 本借款契約。須由中國國會決議。第七條 本借款簽字後。當廢去九月九日之五百萬元借款契約。第八條 本契約以華文為準。另訂有精鍊制錢條約十三條。第一條 設立精鍊制錢工廠於天津。第二條 由中國方面選任工廠總辦及其他職員。第三條 在工廠所精鍊之銅。除直接供中國政府之用外。以市價販賣之。第四條 中國政府担任收買制錢。資本不足時。由久原(興亞公司代表)供給。第五條 工廠資本六百萬元。由久原出資。第六條 精鍊制錢之利益。由

中日雙方均分。第七條 工廠以六個月內成立。未成立以前。或工廠生產力不足時。得利用在日本之久原工廠。第八條 買收制錢。以六萬噸為限度。一年半後是否繼續。再行協定。第九條 契約期限內。中國政府不得與他人訂立經營本事業之契約。但官營工廠。不在此限。第十條 中國政府未得久原之同意。不得將本事業為其他借款之抵押。第十一條 契約滿期後。中國得以公平之價值。收買工廠一切財產。第十二條 另設章程。以定事業細目。第十三條 本契約自簽字之日起。發生效力。

同 二十七日

●四川新津兵變……四川新津縣駐防兵士。本日因索餉譁變。經旅長劉存厚派軍堵截。旋即潰逃。

同 二十八日

●江蘇淮揚各屬水災令撥款賑濟……江蘇省長齊耀琳。電稱蘇省入夏以來。霖雨連綿。淮揚各屬。地勢低窪。盡成澤國。八月迭經驟雨。人口牲畜。漂沒無算。上游以淮陰、漣水、泗陽、寶應等縣。下游以高郵、興化、東台、鹽城、及毗連皖北之江都、江浦、六合等縣為最。懇請發款賑撫。奉令。著由財政部迅撥賑款八萬圓。並由本大總統特捐銀二萬圓。交該省長遴委委員。馳赴災區。核實散放。

同 二十九日

●准外交總長唐紹儀免職

同 三十日

●廣西南寧鎮南兩道所屬忠州等十土司改設縣治……廣西所屬土司。共四十有二。自民國四年前巡按使張鳴岐呈將安定等九土司改流後。所餘各屬土民。皆稟請一併設縣。前都督陸榮廷。以該民等望治情切。當將南寧道屬扶南縣承審之土忠州土司。改置忠縣。鎮南道屬同正縣承審之佶倫、結安、都結、鎮遠等四土司。改置鎮結縣。養利縣承審之茗盈、全茗、龍英等三土司。改置龍茗縣。寧明縣承審之思州。思陵等兩土司。改置思陵縣。仍分隸南寧鎮南兩道管轄。並將應設各縣知事。先後委員前往署理。當時因大局未定。所有應行籌備事宜。未及先期呈報中央。近日始由督軍兼省長陳炳焜錄案補報。本日。奉大總統指令。准如所請改置四縣。惟忠縣應改稱綏遠。思陵縣應改稱思樂。交內務財政兩部查照。

●中美訂立鐵路借款合同……本年五月間。交通總長曹汝霖。

與美商希姆司喀勒公司。訂立借款合同。借美金一千萬圓。為修築鐵路之用。旋因政局變動。暫時擱置。後經交通部屢向美商磋商廢約未允。遂議定將原約改訂。本日。由交通總長許世英。與美商簽字。聞其條件大略如下。一、借款金額為美金一千萬圓。一、實收九三。年利六釐。一、總辦以華人任之。技師長會計主任。以美人任之。一、修築鐵路計長一千

32245  
一百英里。共分五線。(甲)由山西豐鎮至甘肅寧夏。(乙)由甘肅寧夏至蘭州。(丙)由湖南衡州至廣西南寧。(丁)由

浙江杭州至溫州。(戊)由海南島瓊州至樂會。

●國務院禁借款收受回扣……國務總理因向來借款事件。經手人員。率有分受回扣等事。以為在官人員。食國給薪俸。即應為公服勞。何可濫為染指。特通咨各部各省。嗣後遇有借款情事。在公經手員司。應得回扣。涓滴歸公。不准私相授受。其他凡與外商交接款目事項。概從此例。違者重懲。

●吉林長春兵變……吉林陸軍第一混成旅步兵第二團第二營第六連目兵。前由長嶺調至長春。本日。因索餉譁變。肆行搶掠。當經鎮守使派員收撫。遣回省城。訊明首從。分別懲處。

十月 一日

●各省省議會開會……各省省議會。除浙江於九月一日提前開會湖南於七月二十日四川於八月十五日開臨時會外。均由各省行政長官遵令依法召集。於本日開會。

同 二日

●俄兵殺害中俄邊境回民交涉……俄國哥薩克兵。在普熱瓦勒斯克地方。殺害回民四百餘人。又喀爾喀地方回民。亦被俄兵搶掠。損失二十餘萬盧布。當由外交部向駐京俄使抗議。並令駐俄公使與俄政府直接交涉。俄政府答稱該地回民。或為華籍。或為俄籍。無從判別。遂議定由兩國派員會同調查。

同 三日

●衆議院否決外交總長同意案……外交總長唐紹儀因病呈准免職後。大總統擬改任陸徵祥為外交總長。咨請衆議院同意。本

322.46 日衆議院提出該案。當用無記名投票法投票。出席議員三百八十八人。不同意者一百九十八票。多數否決。

同 四日

●岑春煊離粵回桂……兩廣護國軍都司令岑春煊。自軍務院撤銷後。即收束軍隊。將軍事移交廣東督軍。行政事項移交省長。於本日由肇慶起程。歸廣西桂林原籍。

同 五日

●浙江台州鎮守使署移駐寧波改稱寧台鎮守使

同 六日

●龍濟光退出廣州……卸任廣東督軍龍濟光。本日率所部振武全軍。退出廣東省城。擬往瓊州島。新任督軍陸榮廷。旋於十九日到省。

同 七日

●公布修正勳章令……令見法令門。

●公布修正頒給勳章條例……條例見法令門。

●令查明地方苛細雜捐……令曰。體國經野。制賦自有常經。薄稅輕徭。恤民斯爲善政。軍興以來。農廢於野。商困於市。流離板蕩。慘不忍聞。而擔負重於邱山。捐輸析於毛髮。每一念及。寢饋難安。用特明令宣示。其有地方雜捐。確屬苛細者。著財政部商同地方官吏。分別查明。呈請減免。至賦課稅捐。國家正供。如徵額不足。取給借債。則重息之償。仍苦吾民。應督飭經徵官吏。切實改良。嚴杜中飽。以濟國用而恤民艱。

此令。

●特任孫發緒爲山西省長張懷芝兼署山東省長……山西省長沈銘昌。因母病呈准免職。

●任命蔣雁行爲綏遠都統……原任潘矩楹調京另候任用。

●任命張紹曾爲陸軍訓練總監

●裁撤湖南武陵道道尹缺

●平政院裁決內務部行政訴訟……內務部於九月八日。以部令聲明適用民國元年官制。並將參事二員、司長三員、僉事二十員、主事三十八員、技正一員、技士一員停職。當即按額缺另行派員試署。被裁各員祝書元等。指爲違法。於同月十九日在平政院提起行政訴訟。經平政院咨請內務部答辨。內務部指平政院違法受理。始終拒絕答辨。並呈請總統諮詢國會。本日。平政院即將該案裁決。取消內務部部令。當將裁決書呈報大總統。內務部復呈大總統不承認該院之裁決。

●全國商會聯合會閉會

同 八日

●特任劉承恩署廣西省長

●平政院裁決交通部行政訴訟……交通部於八月十四日。以部令聲明適用民國元年官制。將部員羅國瑞等停職。並將參事何瑞章任祖榮降委主事。旋即以部令按額缺另行派員試署。被羅國瑞等指爲違法。於九月二十六日。依法提起行政訴訟。經平政院裁決。交通部之處分。應予變更。當將裁決緣由呈報大總統。

本日。大總統訓令交通部查照執行。

同 九日

●令陸軍部查明五年來死難將士議卹……令曰。自民國肇興以來。患難相乘。義烈之士。蹈死不悔。糜軀斷脰。前仆後繼。再造玄黃。力回陽九。茲值國慶。宜慰忠魂。著陸軍部查明五年以來死難將士各職名。及其後裔。各議所以撫卹之。此令。

●令陸軍部查明海珠會議與難諸人議卹……令曰。前中國銀行總裁湯叔等。奔走國事。慘遭海珠之變。着陸軍部查明該次會議與難諸人。從優議卹。此令。

同 十日

●舉行國慶典禮……本日爲民國第四屆國慶日。更值共和再造。全國舉行慶祝典禮。較前尤爲隆盛。北京除舉行閱軍宴會等事外。并由大總統贈授並頒給元勳及有功人員勳位勳章。各省各商埠商民。多舉行提燈會。以表熱忱。

同 十一日

●令山西政務廳廳長孫世偉暫行護理山西省長

●日俄英法抗議中美鐵路借約……駐京日俄英法各國公使。奉本國政府命令。以新訂中美鐵路合同所載路線。違反前訂條約。於各國權利有礙。向外交部提出抗議。

同 十二日

32247 ●熱河軍隊擊斃蒙匪巴布扎布……巴匪自東三省敗衄返旗後。忽改變方向。直犯熱河。日前率蒙漢匪徒二千餘名。攻襲林西

縣。經都統姜桂題派兵勦辦。大獲勝利。並陣斃匪首巴布扎布。餘孽均已潰竄。

同 十三日

●特派馮國璋兼督辦浦口商埠事宜派溫宗堯會辦浦口商埠事宜……督辦浦口商埠事宜劉恩源免職另候任用。

●准署理交通次長權量免職仍回參事原任

同 十四日

●內務部呈准江西浮梁縣治移設景德鎮……江西浮梁縣屬景德鎮。爲該省工商大埠。向設有縣官行署。歷任官吏。皆駐城時少而駐鎮行署時多。近年各項局所。亦先後遷移至鎮。現知事陳安。特詳潯陽道尹轉詳江西省長。請將浮梁縣治移設景德鎮。當由江西省長咨請內務部轉呈大總統照准。

●全國教育聯合會開會……全國教育聯合會。本日在京假教育部學校成績展覽會址。開第三次正式大會。

同 十五日

●改廣東惠潮嘉鎮守使爲潮梅鎮守使

同 十七日

●任命夏詒霆爲外交次長

●衆議院否決外交總長同意案……外交總長唐紹儀免職後。經大總統在衆議院提出擬任陸徵祥爲外交總長同意案。旋被否決。茲復擬任汪大燮爲外交總長。咨請同意。衆議院於本日投票表決。仍以多數不同意否決。

32248

●農商部呈准裁撤林務處……農商部於本年一月間。呈准設立林務處。將農林司職掌事務。劃分一部分。改歸該處辦理。現總長谷鍾秀。以其近於駢枝。呈請將該處裁撤。並於部內另設林務研究所。從事研究。本日。奉大總統指令照准。

●天津法人要求展界交涉……天津老西開地方。法人久擬展爲法國租界。迭次交涉未決。本日。駐津法總領事。奉駐京法國代理公使訓令。忽向直隸省長要求將該地充作租界。限四十八小時內答復。旋即拘去在該地站崗之警察九名。實行佔據。

當經外交部向駐京法代理公使抗議。並令駐法公使向法政府交涉。

同 二十日

●德使向外交部抗議法人在華招工……駐京德使。向外交部提出抗議。謂法人在中國北部招工三萬人。將送至法。經外交部給發執照。其一部分已由秦皇島出發。此舉顯係違背中立。要求外交部答復。

